

Script Of Evening Gojri News Bulletin 23 July 2024 at 1700 Hrs

یوہ آکا شوانی جموں بے نصرت چودھری تے عبدالمجید تیں خبر سُنو۔ پہلاں خاص خاص خبر۔

- 1★ قومی جمہوری اتحاد غی تیجی واری بنی سرکار غو پا رلیمنٹ مانہ وزیر خزانہ نرملا سیتھا رمن نے مرکزی بجٹ پیش کیو۔
- 2★ سرکار نے ٹیکس غی شرح مانہ ترمیم کر غے نوی ٹیکس رجم متعارف کی ہے۔ بُن 3 لکھ روپیہ آمدنی ور کوئی ٹیکس نہیں دینو وے گو۔
- 3★ مرکز نے جموں کشمیر واسطے مرکزی بجٹ سال 25/2024 مانہ 42 ہزار 2 سو 77 عشاریہ 74 کروڑ روپیا مختص کیا ہیں۔ تے اس طرح اس نانہ 1.2 فیصدی غو اضافو کیو ہے۔
- 4★ تے وزیر اعظم نریندرمو دی نے کہیو ہے جے مرکزی بجٹ سال 25/2024 سماج غا بر طبقہ غی مدد تے باختیار بناوے گو۔

Budget 2024

وزیر اعظم نریندرمو دی غی قیادت مانہ بنی تیجی واری سرکار غو پہلو بجٹ اج وزیر خزانہ نرملا سیتھا رمن نے پیش کیو۔ لوک سبھا مانہ مرکزی بجٹ برائے سال 25/2024 پیش کرتاں واں وزیر خزانہ نے کہیو جے آئندہ سالانہ مانہ بھارتی معیشت تیزی نال بدھے گی۔ انہاں نے کہیو جے اس بجٹ مانہ روزگار، رہنڈ مندی، لوہکا، پہلیاں لوہکا تے درمیانہ درجہ غا کاروبا ر تے متوسطہ طبقہ ور توجہ مرکوز کی گئی ہے تے 401 کروڑ نوجواناں واسطے 5 بہراں غی مدت غی وزیر اعظم غا پیکج غی 5 اسکیمیں ور دو لکھ کروڑ روپیا خرچ کیا جائیں گا۔ وزیر اعظم پیکج غے تحت 5 ویں اسکیم 5 بہراں مانہ 1 کروڑ نوجواناں نانہ سیرا غی 5 سو کمپنیاں مانہ مدت کار موقع مہیا کروان واسطے مرکزی سرکار ای اک جامع اسکیم شروع کرے گی۔ یہ نوجوان 12 مہیناں غو کاروبا ری ماحول تے پیشاں غے متعلق جانکاری حاصل کریں گا۔ تے ان نانہ 5 ہزار روپیہ ماہانہ انٹرنشپ آلاؤنس غے نال 6 ہزار روپیہ اک واری مدد وی دتی جائے گی۔ وزیر خزانہ نے دسیو ہے جے لوہکا، پہلیاں لوہکا تے درمیانہ کاروبار واسطے مشینری تے دوجو سامان خریدن واسطے قرضو حاصل کرن غا سلسلہ مانہ فریق غی گارنٹی نہیں وے گی تے اک کریڈیٹ گارنٹی اسکیم متعارف کرائی جائے گی۔ ایم ایس ایم ای ور دباؤ غی مدت غے دوران بینک غی اجراء غی سہولت متواتر رکھن واسطے وزیر خزانہ نے اک نواں طریقہ غی تجویز وی دتی۔ وزیر اعظم غا پیکج غے تحت 5 اسکیمیں غے ذریعے 5 بہراں مانہ 20 لکھ نوجواناں نانہ بُنر غی

تریت دتی جائے تے مُلک مانہہ اِداراں مانہہ اعلیٰ تعلیم واسطے بجٹ مانہہ 10 لکھ روپیاں تک غی مالی امداد واسطے قرضہ غو اعلان وی کیو گیو۔

Budget Tax Slab

وزیر خزانہ نے نوی ٹیکس ریجم غے تحت آمدنی ٹیکس مانہہ ملازماں واسطے سٹینڈرڈ ڈڈیکشن 50 ہزار روپیاں تیں بدھا غے 75 ہزار روپیا کر دتی ہے۔ اسے طرح پنشن حاصل کرن آلاں واسطے ڈڈیکشن 15 ہزار روپیاں تیں بدھا غے 25 ہزار روپیا کر دتی ہے۔ اس نال پنشن حاصل کرن آلاں تے تنخواہ حاصل کرن آلا 4 کروڑ تیں متا افراد نانہہ فائدو ہو وے گو۔ سرکار نے نوی ٹیکس ریجم غے تحت 3 لکھ روپیاں آمدن تک صفر ٹیکس 3 تیں 7 لکھ روپیہ آمدن تک 5 فیصدی ٹیکس، 7 لکھ تیں 10 لکھ روپیاں سالانہ آمدنی ور 10 فیصدی ٹیکس، 10 تیں 12 لکھ روپیہ آمدن ور 15 فیصدی ٹیکس، 12 تیں 15 لکھ روپیہ آمدن ور 20 فیصدی ٹیکس تے 15 لکھ روپیاں تیں زیا دہ آمدنی ور 30 فیصدی ٹیکس مقرر کیو ہے۔ اس طرح نواں ٹیکس طریقہ غے تحت تنخواہ حاصل کرن آلا ملازم 17 ہزار 5 سو روپیا آمدنی ٹیکس بچا سکیں گا۔

Budget Custom Duty

سرکار نے 25 ناقدانہ معدنیات ور کسٹم ڈیوٹیس بالکل ہٹا دتی ہے تے ان وچوں 2 ور بیسک کسٹم ڈیوٹی کہٹا دتی ہے۔ ان حکمت عملی تے اہم سیکٹراں واسطے محفوظ ایسا معدنیات غی دستیابی غا سلسلہ مانہہ یوہ اک بڑو کھلا نانہہ پُر کرے گو۔ وزیر خزانہ نے سونا تے چاندی ور کسٹم ڈیوٹی کہٹ کی ہے۔

Budget VB Agri

وکست بھارت غا تناظر مانہہ سرکار نے بجٹ مانہہ تمام لوکاں واسطے موقع فراہم کرن گا سلسلہ مانہہ 9 ترجیحات غو ذکر کیو ہے۔ جن مانہہ ذراعت مانہہ لچک تے پیداواری صلاحیت، روزگار تے بُنر مندی، انسانی ذرائع غی مجموعی ترقی، تے سماجی انصاف، خدمات تے چیزاں غی پیداوار، شہری ترقی، توانائی غو تحفظ، بنیا دی ڈھانچو، نوی ایجاد، تحقیقات تے ترقی وغیرہ شامل ہیں۔ اس سال زراعت تے اس غے نال جُڑیا دوجا سیکٹراں واسطے 1.52 لکھ کروڑ غو بجٹ رکھیو گیو ہے۔ وزیر خزانہ نے کہیو جے اگلا 2 سالان مانہہ مُلک پھر مانہہ اک کروڑ کساناں نانہہ قدرتی کھیتی در راغب کیو جائے گو۔

Budget PMJAY

وزیر خزانہ نے مُلک غا شہری تے دیہی علاقہ مانہہ پر دھان منتر آواس یوجنا غے تحت 3 کروڑ اضافی گھراں گو اعلان کیو۔ پردھان منتری آواس یوجنا شہری 2.0 غے تحت 10 لکھ کروڑ روپیاں غی سرمایہ کاری نال 1 کروڑ شہراں مانہہ ربن آلا غریب تے درمیانہ درجہ غا کُنباں نانہہ کہہ کوٹھاں مہیا کران غو وزیر خزانہ نے اعلان کیو۔ اُنہاں نے کہیو جے مالی شرح ور قرضہ ور سود مانہہ رعایت غی وی اک تجویز ہے۔

Budget Employees

بجٹ مانہہ اک نوی اسکیم متعارف کی گئی ہے جس مانہہ 2 کروڑ 10 لکھ نوجواناں نانہہ روزگار مانہہ فائدو وے گو۔ اک لکھ روپیاں تک تنخواہ حاصل کرن آلا اُن پہلی وری ملازمت کرن آلاں گا کھاتاں مانہہ بالواسطہ 3 قسطاں مانہہ 15 ہزار روپیاں تک مہینے سرکار منتقل کرے گی۔ روزگار غا پہلا 4 بہراں مانہہ مینی فیکچرنگ سیکٹر مانہہ اضافی روزگار مہیا کرے گی۔

Budget Tribal

مرکزی بجٹ 25/2024 مانہہ حکومت نے قبائلی برادری غی سماجی اقتصادی حالت نانہہ بہتر بنان واسطے مختلف اقدامات غو اعلان کیو ہے۔ وزیر خزانہ نے اعلان کیو ہے جے قبائلی اکثریت گراں تے خواہشمند صنعتاں مانہہ قبائلی کُنباں واسطے پر دھان منتری جن جو تہ اُنٹ گرام ابھیاں غو آغاز کرے گی۔ اس مانہہ 63 ہزار گراں شامل ویں گا۔ جس تیں 5 کروڑ قبائلی لوک فائدو چاسکیں گا۔

Budget Surya Ghar

وزیر خزانہ نے کہیو کہ عبوری بجٹ مانہہ اعلان غے مطابق پی ایم سوریا مُفت بجلی یوجنا شروع کی گئی ہے جس غے تحت چھت ور سولر پلانٹ لگایا جائیں گا تانجے 1 کروڑ گھراں نانہہ ہر مہینے 300 یونٹ توڑی مُفت بجلی حاصل ہو سکے۔ اُنہاں نے کہیو کہ اس سکیم نے 1 عشریہ 28 کروڑ تیں متا اندراج غے نال 14 لکھ درخواستاں غو شاندار رد عمل پیدا کیو ہے۔ وزیر خزانہ نے اعلان کیو ہے کہ پمپڈ سٹوریج غا منصوباں نانہہ تعاون کرن واسطے نوی پالیسی آنی جائے گی۔

Budget JK

مرکزی نے 25/2024 غا مرکزی بجٹ مانہہ جموں کشمیر واسطے 42 ہزار 2 سو 77 عشریہ 74 کروڑ روپیہ مختص کیو ہے۔ جھیڑو پچھلے سال 41 ہزار 7 سو 51 عشریہ 44 کروڑ روپیہ تیں 2 عشریہ 2 فیصد زیا دہ ہے۔ اس مانہہ وسائل غا فرق نانہہ پورو کرن غا طور ور 40 ہزار 6 سو 19 عشریہ 3 کروڑ روپیہ تے بھارت غا ہنگامی فنڈ تیں 7

بزار 9 سو کروڑ روپیہ شامل ہیں۔ جموں کشمیر قدرتی آفات فنڈ واسطے 2 سو 79 کروڑ روپیہ کیرو پن بجلی پروجیکٹ واسطے 4 سو 76 عشاریہ 44 کروڑ تے جہلم تے توی فلڈ ریکوری پروجیکٹ واسطے 500 کروڑ روپیہ مختص کیا گیا ہیں۔ بنیا دی ڈھانچہ غا منصوبان واسطے 101 عشاریہ 77 کروڑ روپیہ تے جموں کشمیر غی پولیس واسطے 9 بزار 7 سو 89 عشاریہ 42 کروڑ روپیہ شامل ہیں۔

PM Budget

وزیر اعظم نریندر مو دی نے کہیو ہے جے 25/2024 غو مرکزی بجٹ معاشرہ غا ہر طبقہ نانہ با اختیار تے مدد فراہم کرے گو۔ انہاں نے اس گل ور زور کہلیو کہ یوہ بجٹ دھاتاں، کمزور طبقات تے کسانان نانہ خوشحالی غی طرف راغب کرے گو۔ اک ویڈیو پیغام مانہ وزیر اعظم نے کہیو کہ یوہ بجٹ نوجوانان نانہ موقعہ فراہم کرے گو۔ انہاں نے کہیو کہ پچھلا 10 بہراں مانہ 25 کروڑ لوک غربت تیں باہر آیا ہیں۔

Budget Reaction NDA

ٹی ڈی پی لیڈر تے مرکزی شہری ہوا با زی گا وزیر کنجریا رام موبن نا ٹیڈو نے آندھرا پردیش تے پولیورم پروجیکٹ واسطے مرکزی بجٹ غی تعریف کی۔ پا رلیمنٹ امور غا مرکزی وزیر کرن رجیجو نے اس نانہ خواب پورو کرن آلو بجٹ قرار دتو ہے۔ جس مانہ اس غی ترقی غو رُجھان تے مالی شمولیت ور توجہ مرکوز کی گئی ہے۔ خاص طور ور شمال مشرقی مانہ۔ انہاں نے پی ایم آواس یوجنا غے تحت 3 کروڑ مکانات بنان غو تاریخی اعلان غو وی ذکر کیو۔ بی جے پی غا لیڈر روی شنکر نے روزگار غا موقع بدھان واسطے بجٹ غی تعریف کی۔ جد کہ بی جے پی لیڈر روی شنکر نے سیلاب زدہ بہار واسطے انتظامات غی تعریف کی۔ جس تیں گو رکھ پور نانہ وی فائدو حاصل وے گو۔ مرکزی وزیر تے جے ڈی یو لیڈر راجیو رجن سنگھ تے بہار واسطے بجٹ غا پیکج غو خیرمقدم کیو۔

Defence Budget

وزیر دفاع راجناتھ سنگھ نے مالی سال 25/2024 واسطے بجٹ پیش کرن ور وزیر خزانہ نرملا سیتھا رمن نانہ مبارکباد پیش کی ہے۔ اک سماجی رابطہ پوسٹ مانہ جناب سنگھ نے کہیو جے بجٹ وکست بھارت، خود کفیل تے کوشحالی آلے پا سے اگے لے جان مانہ مددگار ثابت وے گو۔ انہاں نے وزیر خزانہ غو وزارتِ دفاع واسطے 6 لکھ 21 بزار 9 سو 40 عشاریہ 85 کروڑ روپیہ بجٹ مانہ مختص رکھن واسطے شکریو ادا کیو تے کہیو جے مسلح افواج غی صلاحیتاں نانہ مزید مضبوط کرے گو۔ وزیر دفاع نے کہیو جے پچھلا بجٹ تیں 30 فیصدی سرحد ور سڑکاں واسطے مزید بجٹ رکھیو گیو ہے تے اس نال بی آراو سرحد ور بنیا دی ڈھانچہ نانہ بہتر کرے گی۔